

KAJIAN LAPORAN BERITA PEPERANGAN HAMAS DENGAN ISRAEL DI BERITA HARIAN ONLINE

Sulaiman bin Salleh
Universiti Islam Selangor (UIS)
Email: Sulaiman@UIS.edu.my

ABSTRAK

Kajian laporan berita peperangan Hamas dengan Israel di Berita Harian Online bermula 7 Oktober 2023. Laporan mengenai peperangan yang berlaku itu hingga kajian ini “Kajian laporan berita peperangan Hamas dengan Israel di Berita Harian Online” dilakukan ianya menyeret beberapa negara terutama di Asia Barat. Laporan di media perdana negara ini termasuk Berita Harian Online dilihat kerap kali memetik laporan daripada media yang tidak sealiran pendirian kebanyakan rakyat dan pemimpin negara ini yang menyokong perjuangan rakyat Palestine dan menentang kekejaman rezim Israel. Berdasarkan permasalahan itu, kajian ini dilakukan berdasarkan tujuan mendapatkan sumber laporan awal yang diperolehi oleh media perdana di negara ini dan menilai sumber laporan media yang melaporkan perkembangan peperangan Hamas dan Israel. Kajian awal ini menggunakan laman web <https://www.bharian.com.my/> sebagai sumber mendapatkan bahan-bahan kajian. Sebanyak 20 bahan berita yang diambil sebagai sampel kajian bermula 7 Oktober 2023 hingga Mac 2024. Pendekatan teori yang digunakan pula ‘Teori Keterhampiran Elektronik yang diperkenalkan oleh Korzenny (1978; 1981) yang memberikan gambaran keterhampiran daripada segi fizikal, masa dan jarak yang mempengaruhi corak dan pola komunikasi antara perseorangan melalui penggunaan media elektronik termasuklah media teknologi baru komunikasi seperti komputer dan telefon pintar. Berdasarkan hasil kajian mendapati agensi berita AFP menyumbang 40 peratus keseluruhan sumber berita; Agensi menyumbang 30 peratus; REUTERS, 20 peratus; Agensi Anadolu, 5 peratus; Media Sosial, 5 peratus. Peratus sumbangan gambar pula didahului AFP, 55 peratus; REUTERS, 45 peratus; lain-lain sifar peratus. Penyelidik mencadangkan kajian ini diperluaskan kepada lain-lain media perdana supaya pengaliran maklumat mengenai masyarakat antarabangsa terutama Palestine dapat diperolehi dengan lebih jelas dan tidak mengelirukan.

Kata Kunci : Laporan, Berita

1.0 Pendahuluan

1.1 Pengenalan

Laporan peperangan membabitkan Hamas dan Israel berkaitan tempoh kajian bermula 7 Oktober 2023. Ketika kajian ini dilengkapkan iaitu hampir memasuki tahun kedua peperangan antara pejuang Palestine dengan Israel masih belum reda. Laporan mengenai peperangan yang berlaku itu terus menjadi perbualan dan tontonan masyarakat dunia hingga menyeret beberapa negara terutama di Asia Barat ke dalam peperangan ini.

Berdasarkan Wikipedia (2024), perkataan Hamas bermaksud Gerakan Perjuangan Islam dan sebuah pertubuhan politik dan ketenteraan Islam beraliran ahlu al-sunnah yang mentadbir Genting Gaza dan beribu pejabat di Bandar Gaza dan juga di Tebing Barat.

“Ia ditubuhkan oleh pemimpin dan aktivis Palestine, Syeikh Ahmed Yassin pada 1987 selepas meletusnya Intifadah Pertama menentang Israel bersinambungan dari Pertubuhan dari pertubuhan Majlis Islam yang ditubuhkan dan diterajui Syeikh Ahmad di Gaza pada 1973 sebagai sebuah pertubuhan kebajikan Islam yang terlibat dengan Ikhwan Muslimin di Mesir.”

“Hamas menjadi semakin naik apabila terlibat dalam konflik Israel-Palestine lewat tahun 1990-an; ia menentang Surat Pengiktirafan Bersama Israel-PLO juga Perjanjian Oslo, yang menyaksikan Fatah menolak ‘penggunaan tindakan pelampau dan tindakan kekerasan lain’ dan mengiktiraf Israel dalam mencapai penyelesaian dua negara. Hamas terus menganjurkan penentangan bersenjata, menang dalam pilihan raya perundangan Palestine 2006, memperolehi majoriti dalam Majlis Perundangan

Palestine dan memegang kawalan pentadbiran Genting Gaya daripada Fatah diikuti perang dalaman pada 2007. Sejak itu, Hamas mentadbir Gaza di bawah pemerintahan de facto dan wilayah satu parti. Sementara itu, menurut Wikipedia (2024) Israel adalah sebuah wilayah pentadbiran tahap pertama di Asia Barat yang terletak di pinggir tenggara Laut Mediterranean. Israel bersempadan dengan Palestin di sebelah timur dan barat daya, Lubnan di utara, Syria serta Jordan di timur, dan Mesir di barat daya. Jumlah penduduknya melebihi tujuh juta orang. Penduduk-penduduknya termasuk warganegara-warganegara yang terdiri daripada banyak latar etnik dan agama.

Israel yang diasaskan pada tahun 1948 di atas tanah yang pada masa itu diduduki orang Arab dan mengamalkan demokrasi berparlimen dan merupakan petempatan Yahudi yang tunggal di dunia. Israel mempunyai ekonomi yang maju dari segi teknologi dan perindustrian, dan mendapat tempat ke-23 antara 177 buah negara dalam Indeks Pembangunan Manusia PBB pada tahun 2005. Tempat ini ialah tempat yang tertinggi di Timur Tengah dan yang ketiga tertinggi di Asia.

1.2 Permasalahan kajian

Laporan di media perdana negara ini dilihat kerap kali mengambil atau memetik laporan daripada media yang tidak sehaluan pendirian kebanyakan rakyat dan pemimpin negara ini yang menyokong perjuangan rakyat Palestine dan menentang kekejaman rezim Israel.

Berdasarkan permasalahan itu, kajian ini dilakukan untuk melihat dengan lebih dekat dan mengkaji secara ringkas mengenainya.

1.3 Tujuan Kajian

Tujuan kajian ini dilakukan adalah untuk:

1. Mendapatkan sumber laporan awal yang diperolehi oleh media perdana di negara ini.
2. Menilai sumber laporan media yang melaporkan perkembangan peperangan Hamas dan Israel.

1.4 Skop Kajian

Kajian awal ini menggunakan laman web <https://www.bharian.com.my/> sebagai sumber mendapatkan bahan-bahan kajian. Sebanyak 20 bahan berita yang diambil sebagai sampel kajian bermula 7 Oktober 2023 hingga Mac 2024.

2.0 Tinjauan Kajian Lalu

Pemerhatian penyelidik mendapati berita antarabangsa yang ditonton atau dibaca di media perdana oleh masyarakat negara ini kebanyakannya diperolehi daripada agensi berita antarabangsa. Berdasarkan pandangan Safar Hasim (1991) berita antarabangsa yang ditonton atau dibaca oleh masyarakat Malaysia melalui pelbagai cara. Dinyatakan, paling utama berita diperolehi melalui beberapa agensi berita antarabangsa dan kebangsaan.

“Agensi berita antarabangsa utama yang membekalkan berita antarabangsa ialah Reuter yang juga agensi antarabangsa yang tertua memberi khidmat di negara ini. Agensi berita antarabangsa yang lain ialah United Press International (UPI), Associated Press (AP) dan Agence France-Presse (AFP), Agensi-agensi ini dikenali sebagai agensi terbesar dunia atau ‘the Big Four’. Agensi-agensi ini membekalkan berita dari seluruh pelosok dunia kepada akhbar-akhbar dan media elektronik di negara ini.”

Selain itu, John C. Merrill (1997) menyatakan terdapat beberapa masalah komunikasi asas yang dihadapi oleh wartawan sejagat dalam usaha mengembangkan berita atau maklumat berita.

“Halangan psikologi dan fizikal wujud dalam semua negara; gejala ini diperhebat lagi dengan kewujudan masalah baru seperti perbezaan budaya, bahasa, definisi konsep kewartawanan, kelemahan pendidikan dan ekonomi, kawalan mekanisma, serta kegiatan propaganda.”

Menurut John C. Merrill halangan-halangan komunikasi sedemikian kerap menghalang kemajuan kewartawanan global serta mengganggu kefahaman peringkat antarabangsa.

“Media sejagat mempunyai kuasa yang amat kuat sebagai alat penyampai maklumat yang utama. Media-media tersebut mempunyai potensi menghapuskan pandangan yang salah atau stereotaip di samping mengendurkan ketegangan; media massa juga boleh menimbulkan ketakutan dan pergaduhan yang berpanjangan.”

Berdasarkan pandangan-pandangan yang ditemui, penyelidik terdorong melakukan penyelidikan ini dengan harapan menemui kaedah terkini saluran berita antarabangsa yang ditonton atau dibaca oleh masyarakat negara ini pada masa kini.

Ringkasnya, Berita Harian Online adalah laporan berita secara atas talian dan berupaya dibaca secara percuma. Bahan siaran di akhbar atas talian ini adalah sebahagian daripada bahan yang terdapat pada media digital Berita Harian, juga boleh diperolehi akhbar bercetak Berita Harian. Edisi pertama akhbar bercetak Berita Harian adalah pada tahun 1957 dan dijual 15 sen senaskah serta menggunakan kandungan yang sama dengan akhbar Straits Times.

2.1 Imbasan Teori

Kajian yang dilakukan ini menggunakan teori keterhampiran elektronik (*Theory of Electronic Propinquity*). Teori ini dihasilkan oleh Korzenny (1978; 1981) yang memberikan gambaran keterhampiran daripada segi fizikal, masa dan jarak yang mempengaruhi corak dan pola komunikasi antara perseorangan melalui penggunaan media elektronik termasuklah media teknologi baru komunikasi seperti komputer dan telefon pintar.

Menurut Saodah Wok, Narimah Ismail & Mohd Yusof (2003) jarak antara individu tidak menjadi batas untuk berkomunikasi. Jarak tempat berada antara dua orang diambil alih oleh saluran terbuka yang dapat digunakan dan dimasuki tanda-tanda symbol komunikasi dengan senang dan cepat sekali. “Kita merasakan kita begitu hampir dengan orang yang bercakap dengan kita melalui telefon bimbit, walaupun jarak antara kita beribu-ribu kilometer jauhnya. Teknologi dapat membatasi halangan fizikal antara individu yang berkomunikasi. Hakikat kemudahan ini dapat dirasai oleh semua lapisan masyarakat yang terhubung. Justeru, keterhampiran teknologi komunikasi melalui aplikasi seperti WhatsApp dapat merapatkan jurang dan jarak, menjadikan kita begitu dekat di minda, hati dan sanubari.”

3. Metodologi Kajian

Penyelidik menjadikan laporan Berita Harian Online sebagai sumber rujukan utama. Bahan kajian membabitkan laporan peperangan antara Hamas dan Israel bermula 7 Oktober 2023 hingga Mac 2024. Sebanyak 20 bahan diperolehi sebagai kajian disusun dalam bentuk jadual untuk mudahnya dinilai.

4. Hasil Kajian

Kajian yang dilakukan mendapati berdasarkan 20 laporan berita yang dikaji didapati Berita Harian Online kebanyakan mengambil sumber berita dan gambar daripada agensi berita antarabangsa iaitu

Agensi, Reuters, AFP dan Agensi Anadolu. Bagaimanapun, terdapat beberapa sumber berita yang disiarkan di Berita Harian Online diperolehi daripada media sosial.

JADUAL 1

No	Tarikh	Tajuk Berita	Sumber Berita	Sumber Foto
1	7 Okt 2023	Hamis lancar serangan balas terbesar, bedil 5,000 roket ke atas Israel	AGENSI	REUTERS
2.	Nov.2023	Israel bermesyuarat bincang pertukaran tebusan dengan Hamas	REUTERS	AFP
3.	Nov.2023	Israel-Hamas setuju henti sementara perang 4 hari, 50 tebusan akan dibebaskan	REUTERS	AFP
4.	Nov.2023	Tiada pembebasan tebusan sebelum Jumaat - Israel	AFP	AFP
5.	Dis,2023	Tahanan Palestin dakwa didera, dicabul di penjara Israel	AGENSI	REUTERS
6.	Dis.2023	Tentera Israel serang bandar utama di selatan Gaza	AFP	AFP
7.	Dis.2023	Israel terus tekan penduduk Palestin	AFP	AFP
8.	DIS.2023	Israel bom selatan Gaza ketika pegawai Hamas tiba di Kaherah untuk rundingan gencatan senjata	AFP	AFP
9.	Dis.2023	Israel perhebatkan serangan, darat, udara di selatan Gaza	REUTERS	REUTERS
10.	Dis.2023	Israel bantu, bedil Gaza pada masa sama	AFP	AFP
11.	Dis.2023	Pertempuran terbaru Israel-Hamas ragut hampir 200 nyawa	AGENSI	REUTERS
12.	Jan.2024	Israel dakwa sudah lumpuhkan Hamas di utara Gaza	AFP	REUTERS
13.	Jan.2024	Israel tuduh Hamas rancang serang kedutaan di Sweden	AGENSI	AFP
14.	Jan.2024	Israel tahan lebih 5,800 warga Palestin dalam tempoh 100 hari di Tebing Barat	AGENSI	AFP
15.	Feb.2024	Hamis tegaskan tiada pertukaran tahanan tanpa gencatan senjata penuh	Agensi Anadolu	REUTERS
16.	Feb.2024	Penduduk Palestin di Gaza semakin 'dihimpit'	AFP	AFP
17.	Feb.2024	Pentadbiran Biden bertanggungjawab kematian	Media Sosial	REUTERS

		tentera AS - Hamas		
18.	Mac 2024	Kereta kebal Israel kepong Hospital Nasser Gaza - Saksi	AFP	AFP
19.	Mac 2024	12 rakyat Gaza lemas ketika cuba dapatkan bantuan yang digugurkan dengan payung terjun	AGENSI	REUTERS
20.	Mac 2024	Pasukan gencatan senjata Israel tinggalkan Doha	REUTERS	REUTERS

Sementara itu, hasil kajian mendapati terdapat beberapa sumber agensi berita digunakan oleh Berita Harian Online untuk disiarkan kepada khalayaknya iaitu:

Jadual 2

NO.	Sumber	Jumlah Berita	Peratus	Jumlah Gambar	Peratus
1	AGENSI	6	30 %	0	0 %
2	REUTERS	4	20 %	9	45 %
3	AFP	8	40 %	11	55 %
4	Agensi Anadolu	1	5 %	0	0 %
5	Media Sosial	1	5 %	0	0 %
	Jumlah	20	100%	20	100%

Berdasarkan hasil kajian mendapati agensi berita AFP menyumbang 40 peratus keseluruhan sumber berita; Agensi menyumbang 30 peratus; REUTERS, 20 peratus; Agensi Anadolu, 5 peratus; Media Sosial, 5 peratus. Peratus sumbangan gambar pula didahului AFP, 55 peratus; REUTERS, 45 peratus; lain-lain sifar peratus.

5. Penutup Dan Cadangan

Berdasarkan data yang diperolehi di Jadual 1 dan Jadual 2 didapati maklumat yang disiarkan di Berita Harian Online kira-kira 95 peratus daripadanya diperolehi daripada agensi berita antarabangsa iaitu Agensi, Reuters, AFP dan Agensi Anadolu. Bagaimanapun, terdapat beberapa sumber berita yang disiarkan di Berita Harian Online diperolehi daripada media sosial (5 peratus).

Pemerhatian penyelidik di media Indonesia, terutama laporan membabitkan peperangan di Palestine didapati antaranya TribunJogjaOfficial, @komposcom, Serambinews, Liputan6, Tribun Pontianak, Tribun Manado Official melaporkan dengan lebih bertenaga, berani dan laporan terkini.

Dipercayai kebanyakan video-video laporan diperolehi daripada media sosial dan hanya sedikit melalui agensi berita antarabangsa. Penyelidik mencadangkan penyelidikan lanjut dilakukan untuk memastikan saluran maklumat berita antarabangsa di negara ini diperolehi dengan lebih telus dan selari dengan dasar negara.

6. Rujukan

- Hasrina Mustafa (2011). *Communication Campaign*. Universiti Terbuka Malaysia. Kuala Lumpur.
- Everett M. Rogers (1993), (penterjemah: Zulkarnaina Mohd. Mess). *Teknologi Komunikasi: Media Baru dalam Masyarakat*. Dewan Bahasa dan Pustaka. Kuala Lumpur.
- <https://www.bharian.com.my/>
- Jawid Laiq (1996). *Western Media in Asia: Globalisation & Resistance*. Just World Trust. Kuala Lumpur.
- John C. Merrill (1997), (penterjemah: Perniagaan Yamin). *Kewartawanan Sejagat*. Dewan Bahasa dan Pustaka. Kuala Lumpur.
- <https://ms.wikipedia.org/wiki/Hamas>
- <https://ms.wikipedia.org/wiki/Israel>
- Mohd Safar Hasim (2005). *Akhbar di Malaysia, antara kebebasan dengan tanggungjawab*. Penerbit Universiti Kebangsaan Malaysia. Selangor.
- Mohd Safar Hasim (1991). *Pengaliran Berita Antarabangsa di Malaysia*. Dewan Bahasa dan Pustaka. Kuala Lumpur.
- Muhammad Khalifah Hasan Ahmad (2012). *Sejarah Agama Yahudi*. Al-Hidayah House Of Publishers. Selangor.
- Saodah Wok, Dr. Narimah Ismail, Prof. Dr. Mohd. Yusof Hussain. (2003). *Teori- teori Komunikasi*. PTS Publications & Distributors Sdn Bhd. Pahang.